




3 2044 107 251 548

MH
H67.3



Frid. HOFFMANN

De

China Chinae Modo Operandi Ufu et Abusu

Hal. Magd.

1694.

June 1918
28491

FRIDERICI HOFFMANNI, D.

Medici Elect. Brandenburg.

Professoris Medicinæ rerumque naturalium Pu-
blici & Ordinarii,

PROPEMPTICON INAUGURALE,


DE

CHINÆ CHINÆ

MODO OPERANDI, USU

ET ABUSU.

ASUED
ABRACETUM
HARVARD
UNIVERSITY



L. N. J.



Uemadmodum usus facit artificem, sic quoque usus medicamentorum facit Medicum. Concentratur in hoc pene omnis Medici experientia, utpote si medicamentorum vires & effectum per usum probe perspectum habet Medicus, ut ita morbo exquisitæ ac probatæ virtutis opponere potest remedium, experientissimus haud immerito dici debet. Arcanum itaque medendi in eo latet, ut usu creberrimo facultates & vires medicamentorum Medicus cognoscat, sicque experientiam acquirat. Sine tali experienti tota Medicina vana, fallax & inutilis est, & Medici sine tali experientia monstra pariunt. Hæc Medicum commendat, nobilitat & in curatione pene omne absolvit punctum. Ast experientia hæc non sit temeraria, sed semper ad experientiam aditus fieri debet à ratione, quæ pondus addit, illustriorem & clariorem facit, illamque firmat. Sæpissime periculose fallax illa experientia est, & fallaciter periculosa, quæ in fabrica humana sine ratione aliquid tentat, nisi quod longa die & usu sit probatum. Temerariæ experientiæ ut plurimum mors est. Atrocissimum sane est facinus temerare humanum corpus, domicilium perpetuæ animæ ac spiritus sancti habitaculum.

culum. Temeraria experientia periculi est plenissima, nisi Deus ipse interdum succurrat; sæpe enim ita periclitanti evenire videmus quod Mario apud Salust. ubi ait: Hic forte correctæ Marii temeritas, gloriam ex culpa invenit. Videmus sæpe fortunam, seu mavis providentiam divinam adjuvare temeritatem, ut remedium ab empirico in mortem vel salutem propinatum, concidente jam morbo vel ipso robore ægrotantis prosit, quapropter experientia judicio & ratione stabilita sit oportet, & bonus Medicus rationalis usu & experientia medicamentorum imbutus esse debet, nam usus efficacissimus medendi Magister est. Imo secundum Cicer. Usus omnium Magistrorum præcepta superat. Cordatus itaque Medicus in id maxime omni animi contentione incumbere debet, ut longo temporis usu confirmatas adhibeat medicinas, illisque bene & cum ratione uti, & abusum seu usum intempestivum & præposterum omnibus viribus fugere sciat. Uti enim medicamentum tempestivo usu, certoque tempore datum salutarem & divinam opem præstat, sic præpostere adhibitum pestiferum evadit venenum, & in summum vitæ discrimen ægrum conjicit. Solenne hoc est omnibus medicamentis activis & efficacissimis, ut abusu degeneret illorum activitas in summam noxam ac perniciem. Nolumus in hac re demonstranda latius excurrere in exempla, suffecerit saltem attingere ipsum corticem chinæ qui quam utilis & salutaris sit in profligandis etiam pertinacissimis febribus, jamper usum & experientiam creberrimam innotuit, nihilo tamen secius irrationali & intempestiva exhibitione valetudinem infirmare, morbum augere & visceribus ingentem debilitatem & corruptelam usu continuato aspergere potest. Enatum hinc est quod hoc Medicamentum var a, uti etiam in aliis evenit, fata experta sit, dum nonnulli ejus usum

ac vires

ac vires ad cœlum usque attollere conati sunt, alii econtra id prorsus deprimunt, contemnunt, idem infamare audent, ob fatalem crebriorem eventum. Hæc autem est natura atque indoles potentissimorum remediorum, ut minus congrue ac inconvenienter adhibita magnum detrimentum sanitati ac vitæ inferri possint; Non tamen id medicamento imputandum sed magis perverso Medici iudicio, qui illo medicamento rite, & uti natura ac conditio morbi & subjecti exigat, uti nescit. Meam si interponere licet experientiam ingenue & aperte fateor, me insignissimam non solum in febribus debellandis, sed & in aliis morbis expedite curandis in hoc simplici deprehendisse efficaciam, ut jure illud omnibus huc usque notis medicamentis anteferre non erubescam. Pluris sane orco proximi hoc divino auxilio servati sunt, & quos vel ipse febres vel ex illis alii propullutantes gravissimi morbi jam dudum neci dedissent, illi auspiciatissimo eventu sanitati perfecte restituti sunt, imo nullum simplex mihi cognitum est, quod tanta virtute polleat vel simile efficere possit. Secundum Dygbæum culpandus potius Medicus est, quam nobilis medicina si post ejus exhibitionem unquam revertatur febris, & sancte ille affirmat ex triginta quartana detentis, quos hoc solo remedio curavit, ne vel duos relapsos fuisse. Boylæus de utilit. philos. natural. P. 2. S. 3. Willis. cap. 6. de febr. dixit vix è centum unum hoc remedio adhibitio non convaluisse. Sunt qui surrogare student huic cortici radicem pentaphylli, corticem radicis juglandis, radicem tormentillæ, verum effectum longe infeliciori. Sunt quædam simplicia, quibus Deus & natura singulare quid & aliis non concessum tribuit. Illud autem maxime meretur admirationem, quod hujus efficacissimi medicamenti modus agendi & operandi nondum satis detectus &

explicatus sit, cum Medici indiversissimas circa principium agendi secedant sententias. E re tamen medica putamus esse, medicamenti hujus non modo vires, verum etiam principum per quod illæ edantur exacte nosse. Suscepit itaque id in se laudadissimo conatu præfens Nobilissimus ac Clarissimus

Dn. Johann Balthasar Schondorff. 

Medicinæ Candidatus Dignissimus, qui in Disputatione Inaugurali modum agendi Chinæ Chinæ ejus usum & abusum solide & satis docte tradere ac demonstrare conatus est. Ut vero constet candidati nostri vitæ integritas, cursusque studiorum laudabiliter gestorum pauca pro more recensebimus. Natus est Patriam Halam nostram dulcissimam Anno 1672. d. 20. Octobr. Patrem habuit civem integerrimum ac honestum Dn. Christophorum Schondorff. Vectigalium Præfectum fidelissimum. Matrem omni virtutum genere conspicuam Margaretham Beati Sebastiani Staudigellii Centurionis Regis Sveciæ Filiam. Optimi parentes nihil prius nihilque antiquius habuerunt, quam ut adolescente corpore animus quoque lactetur ac nutriatur fundamentis pietatis, ac optimarum artium studiis ac disciplinis, quo demum ipsa Patria fructum sperare & petere posset, incitati maxime, dum in ipso ingenii singulare acumen à primis incunabulis & ad literas singularum affectum perspicerent. Statim itaque ipsum concrediderunt curæ non solum privatorum sed & publicorum Præceptorum, verum etiam Gymnasium nostrum patrium celeberrimum, ut frequentet, suaserunt in quo fidelissimam informationem Clarissimorum virorum Dn. M. Finckii Conrectoris & Dn. Prætorii Gymnasii Rectoris undiquaque Celebratissimi amplo deprædicat encomio, illisque multum se debere fatetur. In-

nutritus

nutritus itaque studiis, quæ ad humanitatem spectant frasu Dnn. Præceptorum ad altiora animum præparavit & Wittebergam satis celebrem Academiam salutavit, & ibi collegia primo philosophica visitare incepit Anno 1691. Mens. Mart. Cum autem à primis annis ipsi arriserit dulcedo artis Medicæ animum ad studium hoc indefessa opera applicuit. Elegit vero inter alios sibi Præceptorem Clarissimum Dn. D. Bergerum. Professore Medicinæ meritisimum cujus informationi se totum tradidit, illumque ter Institutiones, bis Physiologiam, Materiam medicam, Chymiam, Pathologiam generalem & specialem cum annexa praxi solidissime explicantem & docentem audivit. Verum ut apes ex variis & multis floribus vel colligere solent, sic etiam aliorum Excellentissimorum Medicorum collegia visitavit. Quare Generosum & longe celeberrimum Medicum Dn. Francum de Frankerau Medicum Electoralem & Professore Primarium eruditissimum sedulo audivit, solodissime explicantem tunc temporis ipsius Hippocratis Aphorismos & simul Schmizii compendium Medic. Pract. Interfuit quoque collegio Medico-chirurgico ut & Physiologico Clarissimi Professoris Domini Vateri, quem etiam duas Anatomias in diverso sexu adornantem attento animo vidit & audivit. Disputationem quoque *de Sarcomate monstroso & cancroso* sub Præsidio laudatissimi Viri instituit Anno 1693. Reversus ad nos ante anni dimidium, meæ informationi se tradidit & non solum lectiones publicas sed & privatas sedulo visitavit, duabus Anatomis diversi sexus sedulo interfuit & collegium Physico-chymicum Curiosum fructu haud pœnitendo solertissime visitavit & *Fundamentorum Medicina Disputationem secundam de usu viscerum, Secretione animali, Nutritione motu & sensu,*

nec non Conceptione & factus Nutritione egregio cum applausu publice ventilavit. Cum autem studiorum academicorum laudabiliter peractorum præmia expetiturus sit, Facultati nostræ nomen dedit, debita reverentia rogans, ut ad examina consueta admitteretur. Consensu impetrato in prædictis examinibus optime sese gesit, unde cathedra unanimi ore ipsi fuit concessa, nulli dubitantes, quin eruditione sua omnibus satis sit facturus. Disputationem autem Inauguralem de Chinæ Chinæ modo operandi usu & abusu sub meo Præsidio ventilabit, cui ut Patroni hunc actum disputatorium Magnificus Academiae Senatus, omnium ordinum Doctores, & qui Arti servandorum hominum alias favent, honorifica præsentia condecorare non dedignentur est quod Publico nomine exoro P. P.

sub Sigillo Academico Halæ Magdeburg. d. 23.

Jun. Anno M.DC.XCIV.



